

欽定剿平粵匪方略

欽定勦平粵匪方略卷一百八十六 丁巳年

十二月初二日己酉德興阿翁同書奏言水師自

攻克燕子磯賊壘後遊擊彭常宣復於上月十

七日帶同都司江立坦駕船巡哨至南岸巴斗

山根見有賊匪藏匿林內彭常宣卽跟蹤登山

追擒擊斃甚多時有賊首吹角招集外援拚命

衝突俱經我兵擊退復經水師前後夾擊賊勢

不支紛紛越嶺逃散墜崖落澗死者甚衆生擒  
賊首賴元益正法該遊擊新破燕子磯賊壘茲  
復出賊不意手縛兇渠實屬異常出力應請

恩准將儘先遊擊彭常宣

賞加參將銜並請

賞給勇號以昭激勸奏入

上諭內閣曰遊擊彭常宣新破燕子磯賊壘茲復登山

搜捕擒斬兇渠實屬奮勇彭常宜著賞加參將銜並  
賞給匡勇巴圖魯名號以示獎勵仍著德興阿等督  
飭將弁迅卽攻克江浦縣城以清江比

德興阿翁同書又奏言參領富明阿等進攻江  
浦於上月十九日約會艇師夾擊各兵勇搶過  
濠溝由土嶺繞至賊營南面城內突出賊匪四  
五百人富明阿親帶馬隊揮兵迎擊斃賊多名

參將黃志配等鼓勇齊進立將執黃旗賊目擊  
倒追至河邊又斃賊多名總兵周希濂督帶水  
師由北岸攻九洲擊沈賊船溺斃賊匪多名  
復分兵攻擊乘勝直取下關斃匪無算奏入報  
同日和春奏言上月十二等日臣督飭都司賴  
鎮海等會剿金山柴圩等處賊營攻至鮎魚套

口焚燬賊船數隻奪獲大船四隻划艇八隻大  
小銅鐵礮位旗械不可勝計金山等處賊壘一  
律肅清鎮城逃出餘孽先於龍潭東陽一帶聚  
殲惟石埠橋尙有賊營派副將陶茂森等會剿  
沿途殲斃及投江撲河者約數千人由鎮江以  
至金陵之東水陸遺孽搜剿淨盡臣等復派總  
兵傅振邦等分路進兵該逆於城南竄出匪黨

萬餘占踞秣陵關以遏我師又於東門出賊五  
六千經虎坤元等分路直抵賊營擊斃悍賊數  
十人又斃賊百餘人臣等現在相度形勢飭張  
國樑催督東南一路兵勇馳赴砂子岡高橋門  
一帶相機進剿陣亡之廣東南韶鎮標左營守  
備儘先都司蔣有元湖南鎮筵中營千總包占  
元奮勇出力臨陣捐軀實堪憫惜相應請

旨飭部從優議卹奏入

上諭內閣曰此次掃蕩餘匪進攻秣陵關賊巢逆衆披靡敗竄張國樑已督兵馳赴高橋門一帶相機進剿著和春等分飭鎮將乘勝進攻迅將金陵克復殲厥渠魁以慰朕望陣亡之廣東南韶鎮標左營守備儘先都司蔣有元湖南南鎮軍鎮中營千總包占元均著交部從優議卹

初四日辛亥耆齡奏言十月初間候補總兵普承

堯等督兵進剿吉水縣踞匪由真君山等處分  
路逼攻初六至初八日連獲勝仗斃賊二千數  
百人焚燒賊巢十餘處擊沈賊船二隻初九十  
二等日吉水之賊疊次出撲均經擊退斃賊百  
數十人十九日夜卽補知縣黃秉珍等進攻縣  
城出拒之賊被殲無算忽有援賊二千餘人由

山後來抄被官軍殲斃二百餘人各營乘勢繞  
城環攻緣梯直上已革都司劉光明執旗先登  
各隊奮勇上城殺賊無數當將縣城收復竄逸  
之賊復殲斃千餘人二十一至二十八日郡城  
賊衆出撲俱被擊退官軍乘勝進攻水東賊壘  
先後擒斬二千七百餘人溺斃者無算焚燒賊  
划百數十隻擊沈賊船八十餘隻攻破賊巢數

十處奪獲礮械多件水東一律肅清臣查吉郡  
賊匪負嵎抗拒其盤踞水東者尤衆吉水城池  
亦爲賊踞茲經各營步步攻勦先將近城各鄉  
匪巢次第翦除隨經水陸夾擊克復吉水三路  
並進肅清水東辦理洵爲奮勉業經臣飭令趕  
挖長濠遏賊奔逸設法迅克郡城並派同知銜  
曾國荃總理吉安軍務各營均歸調度此次出

力人員可否容臣酌保數員俾資鼓勵藍翎外  
委羅有升劉百順臨陣捐軀殊堪憫惻應請

飭部議卹奏八

上諭內閣曰吉安逆賊分踞吉水縣城經記名總兵普  
承堯等分路進攻於十月十九日將縣城收復官軍  
乘勝進攻水東賊壘一律肅清此股賊匪業經大受  
懲創著耆齡卽飭同知銜曾國基督率兵勇速籌攻

克郡城此次出力人員准其擇尤保奏陣亡之外委  
羅有升劉百順均著交部議卹

耆齡又奏言撫州逆匪竄至進賢縣羅溪等處  
經臣飭甘肅安肅道劉于瀉廣東惠潮嘉道彭  
玉麟添派水師戰船前往協剿十月十八至二  
十一日四次進攻斃賊百餘人復將劍江口浮  
橋燒燬其窺伺三江口賊匪亦經周鳳山擊退

匪衆旋由崇仁竄至豐城圖援臨江踞賊卽於二十八日上竄樟鎮沿途被水師殲斃甚夥劉于瀆親督水陸各軍往剿該逆分竄新淦峽江補用道劉長佑等節節進剿賊匪遁回淦城臣查此股逆匪數萬人由安徽竄至江西意在救援臨郡經臣飭令臨江吉安各營豫爲布置該逆竄至豐城繼陷樟鎮均爲我軍所阻惟該逆

不得逞志下游勢必上犯峽江吉水現飭臨吉  
兩郡各營竭力設法堵禦

耆齡又奏言補用道劉長佑等自十月間在臨  
江近城築就新營更番轟擊十月二十日劉長  
佑乘賊內亂出隊急攻該逆堅伏不出劉坤一  
等商令各軍稍退以誘之小南門之賊果踰濠  
來追我軍轉鬪破其土城是夜劉長佑約同劉

于涇等四面環攻鏖戰達旦斃賊二百餘人十  
一月初四日賊突出二三千人攜帶短梯意圖  
越濠逃竄劉于涇親督江楚各營排礮截擊斃  
賊無數餘匪敗退城內臣現督飭各營奮力攻  
擊並密囑設法解散賊黨迅圖克復奏入均報

同日晏端書奏言臣查甯防自本年七月移師

進紮老鴉山蕪湖之賊屢次竄撲均經我軍擊退其時正值青陽股匪竄入南陵縣城復經鄧紹良督軍進剿旋就克復厥後各匪雖仍多方窺伺一經我軍會剿無不相率奔潰十月十五日青陽逆匪在離城三四十里之三里店等處盤踞圖犯南陵會合蕪湖逆黨爲援救瓜鎮之計疊經鄧紹良於各要隘派兵扼守一面調撥

各軍分途痛勦使之不敢深入以絕其下援之  
路和春已派得勝兵勇交通永鎮總兵虎坤元  
統帶馳赴甯國一帶會合勦辦當此軍務喫緊  
之際可否仰乞

聖恩俯准將甯防出力員弁容臣彙案酌保以資激勵  
之處出自

適格鴻施奏入

上諭曰屢次出力員弁准其擇尤會保

初五日

壬子

官文都興阿胡林翼奏言逆渠僞國

宗韋志俊等由浮梁等縣糾眾二萬數千復竄

湖口圖援九江皖賊亦分路上竄經臣等派道

員李續賓於十月十三日馳往湖口會合楊載

福等水師迎勦副將周寬世等分路截擊斃賊

二千數百名其西洋橋等處賊眾遙擁來撲約

萬餘人我軍連斃悍賊多名又以水師破船轟擊斃賊一千數百名追殺十餘里屍橫徧野生擒二百餘名就地正法奪獲旗械多件連日搜斬六百餘人鄱陽援賊屯聚彭澤之東坪關李續宜等設伏合擊破其卡壘共斃賊五千餘名沿途追殺六七百名生擒僞先鋒等四十三人訊明斬梟奪獲大小僞印六十餘顆旗幟馬匹

無算十一月十五日宿松逆匪撲蘄州邊界督糧道唐訓方會合馬隊衝擊殺賊數百名賊始敗退太湖逆匪麇聚於楓香驛等處築壘多隆阿等分隊迎勦賊勢披靡鮑超等乘勝縱火焚燒賊壘斃賊三千餘名沿途追殺千餘名內有黃衣騎馬賊五六十名奪獲馬匹礮械無數至由小路分竄陳德園之賊被唐訓方斬殺殆盡

臣等查該逆憤湖口九江之敗，糾集大股上犯，仰賴

天威將士用命，連戰皆捷。江皖各軍殺賊二萬數千，解散賊黨不少，實足大快人心。刻下湖口彭澤都昌各屬一律肅清，惟宿太各路復有援賊，屬至仍當實力防勦。此次出力人員查明開單懇請鼓勵，祇候

恩施奏八

上諭內閣曰此次江皖各軍殺賊二萬數千名解散賊黨不少湖口彭澤都昌各屬一律肅清著官文等激勵將弁將宿太各路援賊實力防勦並速克九江殲除逆匪毋再遲延出力之副將周寬世著賞加總兵銜趙克彰著賞給犖勇巴圖魯名號遊擊李續燾著免補參將以副將遇缺升補朱希廣著免補遊擊以

參將儘先補用並賞加副將銜劉連升著以參將儘  
先補用並賞換花翎都司謝永祜黃澤遠均著免補  
都司以遊擊儘先補用守備張復泰著免補守備以  
都司儘先補用並賞換花翎千總李運洛著免補千  
總以守備儘先補用並賞加都司銜賞換花翎知縣  
梁作楫著賞戴花翎從九品萬遠培著免選本班以  
州判儘先選用並賞加五品銜以示鼓勵

同日福濟鄭魁士奏言現在楚省水陸各軍連復沿江州縣直擣安慶瓜州鎮江同時克復上下游均甚得手而臣等東援西擊總未能迅速奏功辜負

聖恩時深兢懼祇以臣等所駐之廬州三面受敵未可輕動目下含山一股業經臣等派兵擊退並派兵進紮昭關堵扼要隘音德布兵勇亦經續獲

勝仗不獨踪全可保江賊暫無北竄之虞且瓜  
鎮既復和春等必能分圖金陵江浦節節進剿  
臣鄭魁士一聞警急自當馳往會勦似毋須專  
駐東路仍以力扼廬州東西兼顧保全大局爲  
要謹將廬州形勢繪圖貼說恭呈

御覽奏八

上命軍機大臣傳諭福濟鄭魁士曰據該撫等奏稱廬

州三面受敵未可輕動並繪圖呈覽意在扼守廬州  
先自立於不敗之地亦未始非用兵之道惟近日李  
孟羣雖已克復霍山而六安廬江巢縣桐城等處尙  
陷賊中若不相機攻勦必成坐困之勢鄭魁士現守  
廬州當隨時偵探何路緊要卽馳往勦辦毋得株守  
一隅置屬邑淪胥於不問此時江浦尙未克復德興  
阿等兵力亦難遠顧西路福濟等旣知通籌大局仍

當相機分剿未可因循自貽後悔六安有勝保撥兵  
與李孟羣會勦計日當可克復李孟羣到後兵力更  
不嫌單著卽與鄭魁士合力將廬州屬邑次第收復  
廓清江北卽以翦除南賊應援是爲至要

初七日

甲寅

英桂奏言伏查鎮江瓜州同時克復

江南大軍直擣金陵粵逆計蹙勢窮難保不奔  
安慶皖北情形自宜豫籌防範六安久爲賊踞

李孟羣兵力尙單急應派撥重兵力圖規復臣  
仰蒙

恩命飭卽回駐正陽竊維豫南皖北兩地軍情同爲緊  
要且均爲臣經手督辦之事並無畛域之分自  
應卽時馳往與勝保袁甲三等籌商辦理惟現  
在豫省情形南路伏莽尙多急應嚴行搜捕河  
陝汝南陽汝甯五屬被匪蹂躪之處瘡痍未復

人心未安緝捕撫綏在在均關緊要加以東省曹屬竄匪時圖窺伺河北東路密邇皖省逆氛尤爲可慮儻臣督兵遠出腹心之地稍有疏虞不特豫省全局不堪設想卽直東山陝俱爲震動查正陽距歸陳已五六百里距豫境西北千有餘里一切俱難兼顧惟有籲懇

天恩准

臣

暫緩赴皖一俟豫境南路肅清卽行馳赴正

陽會同防勦斷不敢稍涉推諉至六安爲逆匪  
巢穴李孟羣暨樂善等各軍現已聲勢聯絡以  
臣愚見所及應令勝保督率諸軍親攻六安袁  
甲三駐守正陽就近調度兼顧北路門戶臣俟  
豫境情形稍鬆苟可分身赴皖亦卽星馳前往  
相應請

旨飭下勝保袁甲三先行會商妥速辦理以期無誤事

機奏八

上命軍機大臣傳諭英桂勝保袁甲三日豫省南路伏  
匪尙多亟應搜勦河陝汝等屬被賊蹂躪之區瘡痍  
未復緝捕撫綏均關緊要正陽距豫境西北千有餘  
里英桂勢難兼顧請暫緩前往所奏尙屬實在情形  
袁甲三現在正陽卽著駐紮該處以遏賊衝其穎亳  
等處餘匪有朱連泰史榮椿等兵勇足敷勦辦著袁

甲三就近調度速籌掃蕩其六安賊巢僅有樂善一  
軍會同李孟羣攻勦兵力尙單著勝保統帶勁旅卽  
日前往督勦以期速克州城卽可將皖北逆衆次第  
掃除英桂俟豫省搜勦事宜稍定仍著馳赴皖省督  
辦

初八日 乙卯 何桂清奏言 臣查鎮江府城自被賊

占踞以來已將五載城內房屋盡成瓦礫本地

居民幾至靡有孑遺所有救出難民數千俱由  
兩湖江皖金陵揚州等處裹脅而來鳩形鵠面  
衣不蔽體經喬松年專派委員督飭府縣勸諭  
紳董設廠收養有親戚可依者隨時遣散其無  
家可歸者仍行留養京口駐防旗營官兵及鎮  
江營兵業經臣飭就燼餘房屋略爲修葺俾資  
棲止並經和春等派鶴麗鎮總兵余萬清等統

帶兵勇分紮金山等處以資防堵酌留艇船數隻交署副將鞠耀乾統帶在瓜鎮上下游江面與駐防兵勇聯絡巡防以安商旅至揚州由騶兩關爲稽徵稅課之地自應卽行復設第揚州情形凋敝商賈未通南岸丹徒運河數年未濬淤成平陸往來船隻大都繞道三江口等處出口至孟河等處進口擬將丹徒運河趕緊興挑

俟南北舟楫通行揚州生聚日繁再行設關啟  
徵臣現督飭官紳將應辦善後各事宜設法次  
第辦理奏入

上諭內閣曰鎮江瓜州久爲賊踞現經大兵克復所有  
設防及善後事宜亟應妥爲籌畫茲據何桂清奏查  
看鎮江府城內外房屋半成瓦礫居民顛沛流離被  
難情形實堪憫惻該督現飭常鎮道喬松年酌派委

員勸諭紳董設廠收養難民卽著督飭該員妥爲撫恤毋令一夫失所至丹徒運河北舟楫通行爲揚州由甬兩關稅課所自出現已數年未濬亦著照該督所請選派紳士設局勸捐一俟集有成數卽行趕緊興挑至所陳水陸設防分別駐紮各事宜均著照所議辦理

同日

上諭內閣曰江蘇鎮江府城被賊竄踞時閱五載近經  
官軍攻克兵燹之餘瘡痍滿目朕軫念民艱彌深憫  
惻蘇松常太等府州屬地方亦因偏近賊氛凡捐餉  
辦團等事紳民踴躍從公不遺餘力現值地方肅清  
自應特沛恩施以蘇民困加恩著將丹徒縣咸豐八  
九十等年圍境新賦全行豁免其鎮江府各屬及蘇  
松常太四府州屬咸豐六年以前民欠錢糧清米等

項並著概予豁免

初十日巳丁德興阿翁同書奏言揚營陣亡武職

大員以已故總兵晉贈提督雙來瞿騰龍二員  
被害最爲慘烈該故員荷蒙

天恩高厚贈卹有加飾終之典至優極渥惟揚城係死  
事地方闔郡紳民至今追痛仰乞

恩施准令於揚州府城外建立雙忠祠並查有揚州府

知府世焜於咸豐六年揚州再陷時慷慨赴義  
罵賊而死又有侍讀銜內閣中書鍾淮毀家紓  
難於咸豐三年間力竭捐軀均經奉

旨從優議卹堪以附祀奏入

上諭內閣曰總兵追贈提督雙來瞿騰龍先後在揚州  
力戰陣亡大節凜然著准其在揚州城外建立雙忠  
祠前任揚州府知府世焜侍讀銜內閣中書鍾淮均

因禦賊捐軀並准其一併附祀

十四日

辛酉

德興阿翁同書奏言十一月二十四

日成明富明阿等率領馬隊進攻江浦縣城該  
逆惟於城上開礮相拒南門內突出賊數百名  
攢擁而來經官兵斃賊數十名敗奔回城我軍  
追殺直至濠邊溫紹原等亦帶領六合練勇馳  
至先後獲勝總兵陳國泰等於十一月二十二

聞

日圍攻九洲賊壘擊斃賊匪不計其數臣等亦卽起程由儀徵六合前往督攻奏入報

十五日壬戌官文胡林翼奏言臣等查九江情形

自湖口克復後賊益窮蹙十月十九二十八等日復經候選道李續宜擊退賊援該匪屢思走險而重濠不能飛越均被我軍截回檻獸釜魚

聚磯可待廣東惠潮嘉道彭玉麟所管內湖水  
師以八營防勦江西省河贛河以二營留駐湖  
口與楊載福李續賓水陸攻擊是楊載福一軍  
似難全行東下惟鎮江瓜州旣經克復又未便  
以潯城未下坐失事機臣等竊念該逆鋌而走  
險若從金陵竄出恐其偷渡江北奔竄安慶現  
已咨商楊載福趕緊料理分兵先行下駛使逆

匪不致偷渡北岸一面由臣等籌畫銀錢米糧  
軍裝火器足敷兩月之用載以俱行仍以武昌  
爲糧臺根本以九江爲老營根本則征軍無返  
顧之虞長江有建瓴之勢至水師利用在乎飄  
忽無定應於有賊之處隨機雕勦無賊之處奮  
迅往來使逆賊不能測我兵機窺我江路則江  
皖陸師攻勦必易得手楊載福用兵謀略久在

聖明洞鑒之中其審機觀變分合進止全在該提督之  
臨機決斷茲蒙

皇上聖智如神破格畀任准楊載福自行奏報俾得盡  
其所長無所牽制必能殫竭血誠肅清江面奏  
八報

聞

十七日  
甲子  
和春奏言該逆以全力占踞秣陵添

賊築壘意在阻遏我師十一月二十四日臣飭  
總兵傅振邦等分路進抵秣陵先將周村玉帶  
村郭家橋三處賊營燒燬約斃賊匪四五百名  
賊乘我紮營未定突於關內出二三千人虎坤  
元分路攻勦並與傅振邦等會擣秣陵東南北  
三關疊次誘賊出巢乘勢追殺斃賊無數其東  
北一路副將張玉良等已由仙鶴姚坊兩門自

北而東迤邐進紮至鍾山龍脖子一帶洪山等處突出兇黨數千太平神策兩門又出賊千餘我兵分路擊回斃賊百餘名砍取首級二十餘顆我軍直逼太平門聯營三十餘座並檄水師艇船進泊烏龍山聯絡一氣張國樑親督總兵李若珠等由高橋門進紮該逆拚死抗拒我師奮力勦擊刺倒黃衣賊目數人餘皆披靡大軍

乘勝起紮營盤賊猶分路來犯張國樑親督各  
隊並分飭各路繞襲橫衝賊衆大潰殲斃及淹  
溺者又數百人張國樑謀定後進臨機應變將  
士樂爲指揮人人鼓舞奮興用能所向皆捷當  
此初抵金陵卽能屢挫賊鋒兵氣極爲踔厲現  
在張國樑會合諸軍已進紮高橋門相機調度  
臣卽於十三日與許乃釗拔營前往會督籌攻

此次陣亡之外委陳元才楊登高黃金印張璣  
屢立戰功奮勇捐軀實堪憫惻相應請

旨飭部從優議卹奏入

上諭內閣曰此次官軍初抵金陵卽能屢挫賊鋒兵氣  
極爲踴厲仍著和春張國樑督飭諸軍以次攻復秣  
陵關等處進克金陵揜渠埽穴迅奏膚公外委陳元  
才楊登高黃金印張璣屢立戰功臨陣捐軀俱堪憫

惻均著從優議卹

二十二日己巳福興奏言貴溪南路之漁塘地方

接壤金谿該逆於上月十九日突出三千餘衆  
希圖撲犯鷹潭梗塞省河要道經臣派同知李  
元度扼勦該逆於二十四日改竄上清圖犯河  
口鎮李元度探知漁塘尙有餘匪密令營官屈  
蟠潛焚賊巢賊往金谿遁去李元度親率各營

從龍虎山峭壁深箐中繞路翻山得居高瞰下  
之勢賊見官軍大集且戰且奔從下灘過河逃  
竄我兵追殺賊勢大潰共殲斃五百餘名落水  
死者不計其數臣現合李元度等先行勦洗孔  
坊爲將來進擣金谿地步並飭訓導姚步瀛集  
團守隘嚴扼東面瀘溪竄路至撫州賊匪恃金  
谿爲犄角臣已催李定太移師前進其臨江一

聞

城賊援已斷剋日可復如果此城速拔則兵力有餘無難分撥東路會合厚集吉安各軍現用長濠圍困之法屢報勝仗圍攻尙稱得力奏入報

二十五日

壬申

和春何桂清趙德轍奏言據江南

糧臺江蘇藩司文煜詳稱江南軍營兵勇每名

所支銀數不特浮於定例且有溢於成案現募各勇有支銀九兩八兩五六兩不等者已屬浮多且各起兵勇於領銀之外復支米石未免浮而益浮若仍照舊支給則溢支銀數較多且均未奏咨有案濫支濫應厥咎維均若遽行覈減則例支之數殊屬有限現在銀賤錢貴諸物皆昂各兵勇難敷食用且該兵勇從征八載素著

勞績此時鎮江克復移師進勦功在垂成設因  
議減口糧致使軍心解體貽誤更非淺鮮等語  
臣何桂清復加稽覈糧臺支放多與例案懸殊  
卽與臣和春熟籌覈減期與例案相符第一經  
覈減誠如文煜所云例支有限兵勇難敷食用  
惟有據實直陳懇懇

天恩俯准江南軍營各兵勇鹽折援照每名月支銀四

兩五錢成案一律支放造報並請於各兵勇領銀之外每日每名另給食米八合三勺如蒙俞允庶各營益知感戴矣

同日文煜奏言臣前准戶部咨糧臺經手錢糧各歸各任造冊覈銷等因伏思覈銷清冊旣須各歸各任造呈是應領餉糈亦須各就各月支放今各營送到領紙有請領七八等月餉銀者

有請領九十等月餉銀者前後套搭每易牽混是月分既未能一律大小建銀數又有參差恐驟轉不清支領卽可上下其手臣擬嗣後兵勇糧餉官弁鹽折一律各歸各月支發其以前欠餉飭令承辦各員將其營欠支某月分餉銀若干逐一查明開具細冊備查再行陸續均勻補發方清眉目應請

飭下和春等通飭帶兵帶勇員弁將自十月起所放之  
餉一律按照各本月新餉劃清日期徹底查明  
更正嗣後各歸各月支發新餉以清界限均奏

八

上命軍機大臣傳諭和春何桂清趙德轍文煜曰江南  
軍營每兵所支銀數不特浮於定例且溢於成案各  
勇所支銀數亦屬浮多並於領銀之外復支米石似

此濫支濫應顯違定例原應及時裁汰惟據該大臣  
奏稱現在銀賤錢貴若遽行覈減兵勇難敷食用係  
因體恤兵勇起見自不必遽加覈減致失兵心又據  
文煜奏糧臺放餉月分參差宜截清界限等語著和  
春等通飭帶兵帶勇各員將所放之餉各按各月劃  
清界限其從前欠款仍陸續均勻補放以免膠轕

和春又奏言十二月初七等日張國樑等分攻

朝陽門外三洞賊壘副將張玉良進攻北固山等處賊營焚燬木柵刺斃守牆老賊數十名追殺無遺立將北固山石壘奪獲神策門內出賊來援周天培等迎擊斃賊數百人砍取首級五百顆奪獲軍械旗幟偽印無數朝陽門之賊見石壘已失棄巢而逃李若珠等追剿砍取首級二百餘顆奪獲刀械多件六萬斤銅礮一尊

共燬賊營二十餘座斃賊約計千餘人七里洲  
賊營潛出礮船六七十號經遊擊黃承恩等擊  
沈賊船二隻我師因壘據守並又添築多營直  
薄城根由太平神策朝陽各門北與烏龍山水  
師接應南與秣陵關陸師相屬緣長四十餘里  
銜接五十餘營聲勢甚壯惟秣陵尙有賊匪盤  
踞總兵傅振邦等三面攻搆該逆於東關分路

抄襲參將馬德昭等首先迎勦擊倒騎馬賊數十名郭家橋出悍匪千餘虎坤元衝殺百餘名並焚燬杜橋賊巢蹋平賊營三座斬馘千計東北兩關又先後出賊數千名分爲四股虎坤元等奮力迎勦並擇要設伏連殪前鋒賊目數十人守備郭太平躍馬陷陣手刃黃衣賊目一名並槍斃騎馬逆首立將黃泥菴賊卡毀平北關

復出賊千餘經劉季三等勦敗回巢統計斃賊數百名臣查金陵要害全在聚寶門雨花臺暨水旱兩西門秣陵一關實爲屏蔽賊盡力堵禦者在此臣等悉心籌度惟有倣照鎮江寬掘長濠堅築高壘現已剋日興工俾該逆不能測我虛實然後抽調勁旅併攻秣陵方能得手現在臣等大營介滄波高橋兩門之間居中調度其

鍾山龍脖子等處悉爲我守臣等惟有會督鎮將激勵弁兵迅圖克復秣陵直趨南門爲斷絕接濟之舉奏入

上諭內閣曰此次攻奪金陵東北逆壘我軍薄城紮營聲勢極爲聯絡南路官兵會擣秣陵關壘獲勝仗勦辦甚屬得手著和春等激勵將弁乘勝進攻迅將金陵克復掃蕩賊氛毋留餘孽

二十六日

癸酉

密雲副都統勝保太僕寺卿袁甲

三奏言臣等勦辦六安捻匪正可得手忽接探報粵逆大股竄至霍山李孟羣之勇接仗失利現已竄過開順街臣勝保當以固始關繫緊要卽連夜選帶兵勇開道疾馳趕至固始嚴密布置馳赴三河尖扼要設防該逆於十八日分股過河撲我營盤經我軍擊斃數百名賊猶抵死

不退劉尙義親帶兵勇奮力勦殺賊始驚潰連日屢次撲城均被擊退現在西北萬分喫重臣勝保暫駐三河尖力扼兇鋒一面與臣袁甲三會商趁此賊情思竄迅飭兵勇設法攻取六安州城並飭李孟羣不必專顧霍山一隅迅卽統兵親赴西南會合各兵以扼西竄光商之路又咨商撫臣英桂如可抽身卽親督官兵前赴陳

汝一帶爲臣等後路聲援如一時不能親來卽先派總管德楞額格綳額等帶領馬隊迅由新蔡息縣一帶星馳來營聽候調撥臣勝保營中兵勇除留守正陽及留紮固始並分撥各處外隨營馬步兵勇數不滿千未免太形單弱此時又適當賊衝合無仰懇

皇上天恩俯念北路粵捻交乘情形喫重

飭下英桂酌奪緩急先派德楞額等迅由新息一帶來  
營江北軍營馬隊尙多並請

飭德興阿酌撥馬隊數百名星夜赴營以資截剿臣勝  
保惟有就現在兵力相機調度視賊所向親督  
兵勇馳往堵剿總期力扼北竄以遏狂氛而顧  
大局奏入

上命軍機大臣傳諭英桂勝保袁甲三曰勝保與袁甲

三商籌布置方期六安卽可得手乃復有大股逆匪竄至霍山我軍失利現已偏近固始縣城六安捻逆亦陸續出城竄向西南由開順西至光商等處勝保等因籌防北路請飭德興阿英桂各撥馬隊助勦惟德興阿等現拔大隊往攻江浦勢難抽撥豫省河陝汝三屬匪蹤已殄除淨盡其南路一股逃竄無多現有邱聯恩帶兵搜捕德楞額格縹額等所領馬隊正

當移緩就急著卽飭由新息一帶馳赴勝保軍營並  
著英桂親督官兵前往駐紮爲勝保等後路聲援勝  
保仍當察看何處緊急卽往何處迎剿毋任蔓延

二十八日

乙亥

李孟羣奏言安徽霍山縣城自

臣

派兵克復後突有潛太大股粵逆乘虛竄入縣  
城經臣派知府袁懷忠帶兵赴援殺賊甚多十

二月十三日代理該縣知縣王自籛由西門攻

八該逆棄城逃遁卽將縣城收復該逆現由東  
比竄踞獨山兩河口一帶而開順葉家集等處  
捻匪方肆鴟張地通商固臣擬卽帶兵親往至  
楚比麻城羅田與豫皖壤地多屬毗連該逆如  
果竄入於楚省藩籬大有關繫相應請

旨飭下湖廣總督官文湖北巡撫胡林翼派撥重兵出  
境迎勦庶臣軍亦可藉資聯絡迅蕩逆氛惟臣

前已收復霍山復任賊匪闖入雖旋即克復而該逆又竄踞他處兇焰甚熾總由臣防勦不力所致相應請

旨將臣交部治罪奏入

上命軍機大臣傳諭官文都興阿胡林翼李孟羣曰潛太大股粵逆乘虛竄入霍山縣城旋即收復該逆復由東北竄踞獨山兩河口一帶開順葉家集等處捻

匪臨張地通商固李孟羣擬卽帶兵親往惟南而及西南一帶僅此一軍粵捻交乘勢難兼顧自係實在情形楚北麻城羅田毗連該處該匪如果竄入於楚省藩籬大有關係著官文等卽行派撥兵勇出境迎剿或卽將進勦宿太之兵分撥前往旣可與李孟羣聯絡策應並可掃蕩潛太逆氛以分賊勢

上諭內閣曰此次霍山復失實因賊衆兵單現已卽時

克復所有李孟羣自請治罪之處著加恩寬免

三十日丑丁耆齡奏言賊匪占踞江西臨江府城

經臣派道員劉于濱帶兵馳往會同湖南官軍

水陸分布疊獲勝仗於十二月初八日夜當將

郡城克復初九等日官軍分路追剿瑞州府知

府銘彝並高安各鄉團協同搜捕斬馘甚多臣

現飭各營將弁迅將餘匪勦除淨盡以靖地方

同日駱秉章奏言賊踞江西臨江府城經湖南官兵會同江西各營晝夜環攻已閱十月道員劉長佑蕭啟江等於九月十一至十一月二十九等日先後斃賊共二千二百餘名賊勢不支出城求降者不絕惟逆首張發紀等仍負嵎抗拒本月初五六等日官軍誘賊出擊共斃七八百名初八日夜劉長佑等督兵疾進將城賊搜

斬始盡當卽克復郡城計共殺賊一千數百名  
生擒八百餘名內有僞指揮及各僞目百數十  
人臣現飭各軍分路追勦務將逃出餘孽一鼓  
殲除除江西調派各軍應由江西撫臣耆齡奏  
保外所有楚軍尤爲出力人員先行開列籲懇  
皇上天恩俯准獎勵均奏八

上諭內閣曰賊匪占踞江西臨江府城經湖南官軍與

江西所派水陸各軍會同攻勦於十二月初八日將郡城克復勦辦甚屬奮勉所有尤爲出力之按察使銜江西補用道劉長佑著賞加布政使銜卽選道蕭啟江著賞加按察使銜參將田興恕著開缺以副將升用先換頂戴遊擊楊恆升著開缺以參將補用同知直隸州知州劉坤一著以知府選用同知銜知縣江忠義著以知府卽選並賞換花翎都司彭定太著



陣斬賊目僞國宗並經會國荃等水陸各軍將  
吉安城外及水東之賊疊次勦擊斃賊不可勝  
計水東賊壘一律掃除吉安城賊窮蹙思遁遣  
具另股圍攻永豐縣城代理知縣章激嬰城固  
守張運蘭與普承堯等分軍援勦適逆首石達  
開正率大股悍賊十數萬已沿贛江竄至新淦  
爲劉于瀆等水陸各軍扼截賊遂徑趨吉水之

三曲灘對岸地方張運蘭等率所部至吉水縣城遙見賊勢甚爲兇猛分布諸軍誘伏於義家橋先將石逆前隊痛擊獲勝追殺至朱山橋等處斃賊二千數百名溺死不計其數生擒百餘名陣斬賊目敦天燕張姓等石逆自率大股抵朱山橋誓攻吉水縣城張運蘭等分布戰守連日往來衝擊於義家橋等處併力苦戰斃賊千

名及千數百名不等石逆窮蹙回竄仍由峽江等處向撫州一帶潛遁永豐縣城圍亦解所有在事尤爲出力各員弁籲懇

皇上天恩俯准分別獎勵以昭激勸奏入

上諭內閣曰逆渠石達開大股欲渡贛江以援吉安之賊湖南援江官軍會合普承堯等江西各軍分投戰守防勦兼施痛加殲戮甚爲得手仍著督飭諸軍迅

婦賊氛並與江西各路兵勇嚴扼竄賊毋任豕突滋擾道銜卽選知府張運蘭著以道員歸部卽選參將朱南桂著賞加勛勇巴圖魯名號同知銜知縣胡兼善著以同知卽選都司黃開亮著以遊擊留於湖南補用廩生曹彥驥著以訓導遇缺卽選其餘出力文武弁勇著略秉章查明彙案奏請獎勵記名總兵副將普承堯所部各營由江西調遣隨同出力著江西

巡撫耆齡查明保奏

同日文煜奏言自臣接辦糧臺將江南各營文武員弁鹽折照例支發乃各營觀望不遵輒聚多人傳貼字條鎮筸營兵張世瑚膽敢毆辱委員尤爲可惡必當懲一儆百以肅軍律相應請

旨將首先滋事之兵目張世瑚卽行正法以肅軍令並

請

嚴飭和春等妥爲約束照例支領以副  
皇上慎重軍儲之至意奏入

上命軍機大臣傳諭和春張國樑許乃釗曰文煜接辦  
糧臺將江南各營文武員弁鹽折照例支發乃各營  
觀望不遵聚集多人傳貼字條鎮守營兵張世瑚膽  
敢毆辱委員尤爲可惡張世瑚著卽行正法和春等  
於員弁溢支鹽折業經由文煜申詳何以並不嚴飭

各營遵照辦理似此漫無約束尙復成何事體況所  
發官弁鹽折與兵勇無涉顯有不肖官弁從中恣意  
把持著和春等嚴加約束卽查明失察兵丁滋事員  
弁據實叅處毋稍姑容